



**Erasmi a Chokier Tractatus absolutissimus de
iurisdictione ordinarii in exemptos, deque illorum
exemptione ab ordinaria iurisdictione**

Mvltis Pontificvm Decretis, Et SS. Congregationis ... Cardinalium
Declarationibus illustratus ; omnibus in iudicio Civili & foro Ecclesiastico
versantibus perquam utilis ac necessarius ; in duos tomos ab ipso Auctore
distinctus

Chokier, Érasme de
Coloniae Agrippinae, 1684

35. Exempti cui confiteantur.

[urn:nbn:de:hbz:466:1-61886](https://nbn-resolving.org/urn:nbn:de:hbz:466:1-61886)

QVÆSTIO XXXIV.

Exempti an teneantur Episcopo ad ius reverentiale.

SUMMARIUM.

1. Exemptiones unde originem sumant.
2. Opinio negativa.
3. Opinio affirmativa.
4. Iacobus Puteus utramque conciliat.

Diximus initio huius tractatus Exemptiones ortas à similitudine iuris emancipationum, manumissionum, ceterorumque iurium quibus ex potestate superioris aliquis eripitur, lib. 1. quest. 1. late Rebuff. respons. 142. Unde non sine causa in hac materia dubitatum reperitur, an exempti ad instar libertorum Episcopo ad ius reverentiale teneantur, juxta tex. l. fin. in verb. reverentiam ubi glo. & DD. C. de bonis libert. in quo articulo sunt etiam pugnantēs sententiæ.

Pro negativa est Parisius Flaminius, ac ante illum Iacobus Puteus ille de resig. benefic. lib. 3. cap. 12. hic decisione 11. §. par. 3.

Atē contra, pro affirmativa Castrenf. l. sed si hac lege §. patronum n. 4. cum Apost. ff. de in jus vocando Oldra. cons. 224. Rom. sing. 482. per tex. in l. fin. ubi Bal. & Barth. & Apost. in verb. reverentiam C. de bonis libert. Balbus tract. de prescript. part. 1. quinta pars q. 12. nu. 6. Felin. in cap. cum inter. n. 4. circa med. de re iudic. cap. cum non liceat n. 2. de prescript. videatur idem Fel. in cap. conquereute in pr. ubi alios allegat. de offic. ordin. Barth. tract. de Episcop. lib. 4. par. 2. qu. 35. n. 8. Bellen. de charit. subsidio quest. 28. Utramq; Puteus hoc fœdere conciliat, nempe ut exempti exemptione data ab Episcopo ad ius reverentiæ teneantur, si vero Pontifex exemptis ab ordinario, tum quoque à reverentiali iure exemptio concessa esse censeatur Puteus d. decis. 115.

QVÆSTIO XXXV.

Exempti cui consiteantur.

SUMMARIUM.

1. Exempti comparantur extraneis.
2. Extranei sortiuntur forum in loco delicti secus vero forum penitentiæ.
3. Penitentiæ forum est improrogabile.
4. Exempti prorogare non possunt penitentiæ forum Episcopi.
5. Exempti possunt eligere confessorem.
6. Eligere possunt Episcopum qui absolute delegata potestate.
7. Limitanda omnia nisi exempti subsint spiri-

spiritualiter alicui Prelato.

disciplina.

8. Per liberam electionem confessoriorum 9. Ideo eiusmodi libertas restringenda.

disrupti dicitur nervus Ecclesiastica
 Videtur quod confiteri non teneantur Episcopo seu loci paracho quia frequenter diximus exemptos comparari forensibus seu extraneis Ang. conf. 337. alias 307. in ip. in causa Card. Clem. Archiepiscopo §. simili in fine de privileg. Ant. de Rosellis trad. de indulgent. n. 323. ca. grave ubi Abb. Fel. & DD. de offic. ord.

Qui licet forum tortiantur in loco delicti, forum tamen poenitentiale ibi non fortiantur doct. Abb. cap. cum contingat. num. 29. & advertendum & in repet. cap. si quis contra n. 50. vers. aut queritur de foro compet. cap. 1. ubi DD. de rapt. Rochus de consuet. n. 709. Est enim poenitentiale forum prorogabile, Abb. ubi supra. Ideoque exempti poenitentiale forum sui Episcopi protogare non possunt, late Abb. c. cum contingat. n. 4. n. per tot. de foro compet. qui proinde quemvis sibi alium confessorem idoneum eligere possint ex cap. fin. de poenitentijs glossa. cap. si Episcopus in verb. eligere ubi Franc. n. 6. eod. tit. in 6. Card. Clem. dudum ubi late §. & si idem n. 2. & 3. de Sepals. Qua quidem facultate eligere poterunt proprium Episcopum seu loci parochum, aut quemvis alium idoneum, tamen a quo absolventur non potestate ordinaria sed autoritate Apostolica Franc. d. cap. si Episcopus n. 6. glo. Clem. fin. de poenit. & remiss. Clem. penult. de sent. excom. glo. & Card. Clem. si de beneficio de prabendis Feder. conf. 95. incip. super dubitatione col. 2. Navar. cap. placuit. n. 29. & seq. de poenitent. dist. 6.

Quae omnia limitanda sunt, nisi exempti subsint alicui alteri Prelato spiritualiter, tali enim casu eidem confiteri tenebuntur, Felin. cap. conquerente in pr. vers. dum dicit Abbas de offic. ord. Angel. in summa verb. confessio 3. n. 5. maxime, quia per eiusmodi liberam confessorum electionem disrupti dicitur nervus Ecclesiasticae disciplinae c. cum inter vos de consuetud. Abb. d. cap. conquerente n. 5. Ideoque quanto potius fieri potest istiusmodi licentia est restringenda, ne ad familiares exemptorum extendatur Abb. cap. fin. num. 4. & 5. de censib. Hac ratione putavit Abbas privilegium mendicantibus concessum, ut possint audire confessiones quorumcunque, valde esse nocivum, ideo non modo restringendum, sed etiam revocandum in c. quid sit novale nu. fin. in fine cum Apost. de verb. significat. quod tamen cum Navar. non sequimur ex quo eiusmodi gratia nemini est onerosa, sed tota favorabilis & in animae favorem concessa, Navar. in d. cap. placuit ut deinceps nu. 170 sub finem & num. 184. & seqq.

An autem confessorij per exemptos electi absolvere possint ab excommunicatione aut casibus reservatis, videatur apud Angelum de Clavasia verb. confessio 3. num. 7.

Quid autem statuendum sit de Regulatibus confessorij quos ordinarius semel approbavit extat infra scripta declaratio sacrae congregationis Cardinalium negotiis

tiis Episcoporum & regularium præpositorum quam à D. Prothonotario Apostolico Ricardo Pauli Stavio qui in eiusdem congregationis Secretaria Sedi Apostolicæ plurimum annorum spatio interfuit accepit:

D E C R E T U M,

Quo locorum Ordinarij Regulares à Confessionibus audiendis suspendendi ratio præscribitur.

Cum Sacre Congregationi Cardinalium negociis Episcoporum, & Regularium Præpositorum innotuerit, Confessarios Regulares graviter conqueri, quod ab Archiepiscopis, Episcopis, & locorum Ordinariis ab audiendis confessionibus quavis de causa indiscriminatim suspendantur; & propterea sæpe contingere, ut ab iisdem Archiepiscopis, Episcopis, & locorum Ordinariis omnibus simul unius Conventus Confessariis confessiones audiendi facultas adimatur; Illustrissimi ejusdem Sacre Congregationis Patres, rati vix fieri posse, ut hæc sine scandalo, magnaque Animarum pernicie contingant, re mature perpenſa, ad omnem scandali materiam summo vendam, & quo magis spiritali piarum mentium consolationi consulatur, statuunt, ac decernunt, Archiepiscopis, Episcopis, aliisque Locorum Ordinariis, ad quos Confessarios approbandi ius spectat, Confessarios Regulares, alias ab ipsis libere approbatos, ab audiendis confessionibus suspendere posthac minime licere, nisi ex nova causa, eaque ad confessiones ipsas pertinente, aut ob non servatum interdictum ab ipsis Ordinariis positum. Statuunt insuper eosdem Archiepiscopos, Episcopos, Locorumque Ordinarios Confessiones audiendi facultatem omnibus simul unius Conventus Regularibus Confessariis, eadem Sacra Congregatione consultata, nullo pacto adimere posse. Quod quidem Decretum, ut iidem Illustrissimi Patres opportunum & necessarium duxerunt, ita inviolabiliter iubent observari Romæ 20. Novembris 1675.

A. MAR. EPISC. HOSTIEN. CARD. GALLUS.

Locus † Sigilli.

V. Theatin. Secret.